



## ТРОИЦКАЯ РОДИТЕЛЬСКАЯ СУББОТА.

Память совершаем всех от века усопших православных христиан, отец и братьев наших.

Сборник для смешанного хора

**Час девятый:**

### ВСЕДНЕВНАЯ ВЕЧЕРНЯ.

**Чтец: Псалом 103: Великая ектения: Кафизма восемнадцатая: (?). Ектения малая:**

### ГОСПОДИ, ВОЗВАХ, ГЛАС 6:

**Хор: Гóсподи, возва́х к Тебе́, услы́ши мя./ Услы́ши мя, Гóсподи./ Гóсподи, возва́х к Тебе́, услы́ши мя:/ вонми́ гласу́ моле́ния моего́,/ внегда́ возва́ти ми к Тебе́.// Услы́ши мя, Гóсподи.**

**Да исправится моли́тва моя́,/ я́ко кади́ло пред Тобо́ю,/ возде́яние руку́ моёю/ – же́ртва ве́черняя.// Услы́ши мя, Гóсподи.**

## Стихиры мученичны Октоиха, глас 6:

**1. Стих:** Аще беззаконія на́зриши, Гóсподи, Гóсподи, кто постои́т?// Яко у Тебе́ очище́ние е́сть.

**Мученицы** Твои, Гóсподи,/ не отверго́шася Тебе́,/ ни отступи́ша от за́поведей Твои́х:// тех молитвами поми́луй нас.

**2. Стих:** Имене ра́ди Твоего́ потерпéх Тя, Гóсподи, потерпé душа́ моя́ в сло́во Твое́,// упова́ душа́ моя́ на Гóспода.

**Мучившиися** Тебе́ ра́ди Христé,/ мно́гия му́ки претерпéша:/ моли́твами Гóсподи, и молéнием их,// всех нас сохрани́.

**3. Стих:** От стра́жи у́тренния до но́щи, от стра́жи у́тренния,// да уповаéт Изра́иль на Гóспода.

**Страстотерпцы** мученицы, и небéсные гра́ждане,/ на землі́ пострада́вшии, мно́гия му́ки претерпéша,/ и соверше́нный при́ша венéц на небесéх,// да мо́лятся о душа́х на́ших.

## Стихиры усопших, Триоди, глас 8,

**Подóбен:** «Иже во Еде́ме...»:

**4. Стих:** Яко у Гóспода ми́лость, и мно́гое у Него́ избавле́ние,// и Той изба́вит Изра́иля от всех беззаконий его́.

**От ве́ка ме́ртвых днесь**/ всех по и́мени, ве́рою поживших благоче́стно,/ па́мять сотворя́юще ве́рнии,/ Спа́са и Гóспода воспои́м, прося́ще приле́жно/ сим в час суда́ отве́т благий да́ти,/ Тому́ Само́му Бо́гу на́шему,/ всей судя́щему землі́,/ десна́го Его́ предсто́яния получи́ти в ра́дости,/ в ча́сти пра́ведных, и во святы́х жре́бии свéтлем,// и досто́йным бы́ти Небéснаго Ца́рствия Его́.

**5. Стих:** Хвали́те Гóспода вси язы́цы, похвали́те Его́ вси лю́дие.

**Твоею** кро́вию челове́ки Спа́се искупивый,/ и сме́ртию Твоею́ от сме́рти го́рькия изба́вивый нас,/ и жизнь ве́чную пода́й нам Воскресе́нием Твои́м,/ вся упоко́й Гóсподи, усопшия благоче́стно,/ или́ в пусты́нях, или́ во градéх, или́ в мо́ри,/ или́ на землі́, или́ на вся́ком ме́сте:/ ца́ри же, священники, архиере́и,/ мона́хи, и бельцы́ в во́зрасте

всяком всерóдном, // и сподóби я Небéснаго Цáрствия Твоегó.

**6. Стих:** Яко утверд́ися м́лость Егó на нас, и й́стина Господня пребывáет во век.

**Из мёртвых востáнием Твоим Христé,** / не ктомú смерть облада́ет умёршими благочéстно. / Тёмже мо́лимся приле́жно: / рабы́ Твоя́ упоко́й во двóрех Твои́х, / и в не́дрех Авраáма, от Ада́ма да́же до днесь, / послуж́ившия Тебе́ ч́исто, / отцы́ и бра́тию на́шу, / дру́ги вку́пе и срóдники, / всякаго челове́ка, в жити́й послуж́ивша ве́рно, / и к Тебе́ престáвльшася многов́идно и многообра́зно, Бо́же, // и сподóби я Небéснаго Цáрствия Твоегó.

«Сла́ва» – **глас тойже:**

**Пла́чу и рыда́ю,** / егда помышля́ю смерть, / и вижду во гробéх лежа́щую / по о́бразу Божию созданную на́шу красоту́, / безобра́зну, и безсла́вну, / не имúщу ви́да. / Оле чуде́се! / Что еже о нас сие бысть та́инство? / Како преда́хомся тлéнию? / Ка́ко припряго́хомся смёрти? / Вои́стинну Божиим повелéнием, / якоже есть пи́сано, // подающаго престáвльшимся поко́й.

«И ны́не» – **Догма́тик, глас 6:**

**Кто** Тебе не ублажит, Пресвята́я Дéво; / кто ли не воспое́т Твоего Преч́истаго Рождества́; / безлетно бо от Отца Возсия́вый Сын Единоро́дный, / Тойже от Тебе, Чисты́я, про́йде, / неизреченно вопло́щся, / естеством Бо́г сый, / и естеством быв Человек нас ра́ди, / не во двою лицу Разделя́емый, / но во Двою Естеству неслитно Познава́емый. / Того моли, Чистая, Всеблаже́нная, // поми́ловатися душáм нашим.

**Входа нет.** Свете Тихий святы́я славы Безсмертнаго Отца Небеснаго, Святаго, Блаженнаго, Иисúсе Христé! / Пришедше на запад солнца, виде́вше свет вечерний, / поем Отца, Сына и Святаго Духа, Бо́га. / Достоин еси во вся времена пет быти гласы преподóбными, / Сыне Божий, живот да́й; // темже мир Тя сла́вит.

**Диакон:** Вонмем. **Иерей:** Мир всем. **Хор:** И духови твоему.

**Диакон:** Глас осьмый: Аллилуия, аллилуия, аллилуия. **Хор:** Аллилуия, аллилуия, аллилуия. **Диакон:** Блажени, яже избрал и приял еси Господи. **Хор:** Аллилуия, аллилуия, аллилуия. **Стих 2.** И память их в род и род. **Хор:** Аллилуия, аллилуия, аллилуия.

**Чтец:** Сподоби, Господи, в вечер сей без греха сохранитися нам. Благословен еси, Господи, Боже отец наших, и хвально и прославлено имя Твое во веки. **Аминь.**

**Буди,** Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправданием Твоими.

**Господи,** милость Твоя во век, дел руку Твоею не презри. Тебе подобает хвала, Тебе подобает пение, Тебе слава подобает. Отцу и Сыну и Святому Духу, ныне и присно и во веки веков. **Аминь.**

**Ектения просительная:**

**Иерей:** Мир всем. **Хор:** И духови твоему. **Диакон:** Главы наша Господеви приклоним. **Хор:** Тебе, Господи. **Иерей:** Буди держава Царствия Твоего благословена и препрославлена. Отца и Сына и Святаго Духа, ныне и присно и во веки веков. **Хор:** **Аминь.**

### **НА СТИХОВНЕ, ГЛАС 6:**

**Крест Твой,** Гóсподи,/ мучеником бысть оружие непобедимое:/ видяху бо предлежащую смерть,/ и предзряще будущую жизнь,/ надеждою в Тя укрепляхуся:// тех молитвами помилуй нас.

**Стих 1:** Души их/ во благих водворятся.

**Ты** мя почтил еси образом Твоим,/ руку Твоею Спасе создание,/ живописавый в вещественном зраце умнаго существа подобие:/ егоже общника мя поставил еси,/ положиый сущими на земли обладати мне самовластием слова./ Темже, Спасе, рабы Твоя, во стране живущих, // в селени-

их праведных упокой.

**Стих 2:** Блажени яже избрал, и приял еси Господи.

Да мне достояние прочих живота разсудится, / вертоград во Едеме всякими украшен сады, / печали и попечения свободна мя причастника божественных жизни, / равноангельна на земли, смешена учинивый. / Темже, Спасе, рабы Твоя, во стране живых, // в селениях праведных упокой.

«Слава» – глас тойже:

Начаток ми и состав зиждительное Твое бысть повеление: / восхотев бо от невидимаго и видимаго естества жива мя составити, / от земли убо тело создав, дал же ми еси душу, / Божественным Твоим и животворящим вдохновением. / Темже Спасе, рабы Твоя во стране живых, // и в кровех праведных упокой.

«И ныне» – Богородичен, глас 6:

Молитвами Рождшия Тя Христэ, / мученик Твоих и апостол, и пророк, и святителей, / преподобных, и праведных, и всех святых, // усопшия рабы Твоя упокой.

**Чтец:** Ныне отпускаеши раба Твоего, Владыко, / по глаголу Твоему, с миром; / яко видеста очи мои спасение Твое, / еже еси уготовал пред лицом всех людей, / свет во откровение языков, // и славу людей Твоих Израиля.

**Чтец:** Трисвятое по Отче наш: Хор: Аминь.

Тропарь, глас 8:

**Хор:** Глубиною мудрости человеколюбно вся строяй, / и полезное всем подаваяй, / едине Содетелю, упокой Господи, души раб Твоих: / на Тя бо упование возложима, // Творца и Зиждителя и Бога нашего.

«Слава и ныне» – Богородичен, глас 8:

Тебе и стѣну, и пристанище и мамы, / и молитвенницу благоприятну к Богу, // Егоже родила еси Богородице безвестная, верных спасение.

**Ектения сугубая:**

**Диакон:** Премудрость. **Хор:** Благослови. **Иерей:** Сый благовословен Христос Бог наш, всегда, ныне и присно и во веки веков. **Хор:** Аминь. **Утверди,** Боже, святую православную веру, православных христиан во век века.

### УТРЕНЯ:

**Иерей:** Благословен Бог наш, всегда, ныне и присно, и во веки веков.<sup>1</sup> **Хор:** Аминь.

**Шестопсалмие: Великая ектения:**

#### Аллилуия, глас 8:<sup>2</sup>

**Диакон:** Глас осьмый: Аллилуия, аллилуия, аллилуия. Блажены, яже избрал и приял еси Господи. **Хор:** Аллилуия, аллилуия, аллилуия.

**Диакон:** Память их в род и род. **Хор:** Аллилуия, аллилуия, аллилуия.

**Стих 2.** Души их во благих водворятся. **Хор:** Аллилуия, аллилуия, аллилуия.

#### Тропарь, глас 8:

**Хор:** Глубиною мудрости человеколюбно вся строяй, / и полезное всем подаваяй, / едине Содетелю, упокой Господи, души раб Твоих: / на Тя бо упование возложима, // Творца и Зиждителя и Бога нашего. (Дважды)

#### «Слава и ныне» – Богородичен, глас 8:

Тебе и стѣну, и пристанище и́мамы, / и молитвенницу благоприятну к Бо́гу, // Егоже родила еси Богородице безвестная, верных спасѣние.

<sup>1</sup> Если последование утрени совершается отдельно от вечерни, то после возгласа священника читается обычное начало (см. сноску 1 на стр. 1)

<sup>2</sup> «Аллилуия» обыкновенно поется трижды по трижды (ср.: Розанов В. Богослужебный Устав Православной Церкви. С. 754–755).

# Аллилуия, глас 8:

Трижды:

С.  
А.  
Т.  
Б.

Ал-ли-лу-и-я, ал-ли-лу-и-я, ал-ли-лу и-я.

Тропарь

Глу-би-но-ю му-дро-сти че-ло-ве-ко-люб-но вся стро-й

и по-лез-но-е всем по-да-ва-й, Е-ди-не Со-де-те-лю, у-по-кой,

Гос-по-ди, ду-ши раб Тво-их, на Тя бо у-по-ва-ни-е воз-ло-жи-ша

Дважды:

Твор-ца и Зиж-ди-те-ля и Бо-га на ше-го.

# "Слава и ныне" - Богородичен, глас 8:

Те-бе и сте-ну и при-ста-ни-ще и-ма-мы, и мо-лит-вен-ни-цу

бла-го-при-ят-ну к Бо - гу. Е - го - же ро - ди - ла е - си, Бо - го -

ро - ди - це Без - не - вест - на - я, вер - ных спа - се - ни - е.

## Статья I

Бла - же - ни не - по - роч - ни - и в путь, хо - дя - щи - и в за - ко - не Гос -

под - ни. Бла - го - сло - вен е - си, Гос - по - ди:

Бла - же - ни ис - пы - та - ю - щи - и сви - де - ни - я Е - го, всем серд - цем

взы - шут Е - го. Бла - го - сло - вен е - си, Гос - по - ди.



1. **Лик:** Блажени непорочнии в путь, ходящие в законе Господни. **Благословен еси, Господи: (после каждого стиха).**
2. **Лик:** Блажени испытующии свидения Его, всем сердцем възыщут Его. **Благословен еси, Господи.**
3. **Не** де́лающие бо беззаконія, в путех Его ходи́ша.
4. **Ты** заповедал еси заповеди Твоя сохранити зело́.
5. **Дабы** исправи́лися пути́е мой, сохранити оправдания Твоя́.
6. **Тогда́** не постыжуся, внегда́ призрети ми на вся заповеди Твоя́.
7. **Испове́мся** Тебе в правости се́рдца, внегда́ научити ми ся судьба́м правды Твоея́.
8. **Оправдания** Твоя́ сохраню́, не оста́ви мене́ до зела́.
9. **В** чесо́м исправит юне́йший путь свой? **Внегда́** сохранити словеса́ Твоя́.
10. **Всем** се́рдцем моимъ взыска́х Тебе́, не отрини мене́ от заповедей Твои́х.
11. **В** се́рдце моёмъ скрыхъ словеса́ Твоя́, яко да не согрешу́ Тебе́.
12. **Благословен** еси, Го́споди, научи́ мя оправданиемъ Твоимъ.
13. **Устна́ма** моима возвестихъ вся судьбы уст Твои́х.
14. **На** пути́ свидений Твои́х наслади́хся, яко о всякомъ бога́тстве.
15. **В** заповедехъ Твои́х поглумлю́ся, и уразумею́ пути́ Твоя́.
16. **Во** оправданияхъ Твои́х поучуся́, не забúду словесъ Твои́х.
17. **Возда́ждь** рабу́ Твоему́, живи́ мя, и сохраню́ словеса́ Твоя́. **Благословен** еси, Господи:
18. **Откры́й** о́чи мой, и уразумею́ чудеса́ от зако́на Твоего́.
19. **Пришлец** аз есмь на земли́, не скрый от Мене́ заповеди Твоя́.
20. **Возлюби́** душа́ моя возжелати судьбы Твоя́ на всякое время́.
21. **Запретил** еси гордым, прокляти уклоняющиися от заповедей Твои́х.
22. **От** ими от Мене́ понос и уничижение, яко свидений Твоихъ взыскахъ.
23. **Ибо** седоша князи, и на мя клеветаху, раб же Твой глумляшеся во оправданияхъ Твоихъ.
24. **Ибо** свидения Твоя поучение мое есть, и совети мои оправдания Твоя.
25. **Прильпе** земли душа моя, живи мя по словеси Твоему.
26. **Пути** моя возвестихъ, и услышал мя еси, научи мя оправданиемъ Твоимъ.

- 27.** Путь оправданий Твоих вразуми ми, и поглумлюся в чудесех Твоих.
- 28.** Воздрема душа моя от уныния, утверди мя в словесех Твоих.
- 29.** Путь неправды остави от Мене, и законом Твоим помилуй мя.
- 30.** Путь истины изволих, и судьбы Твоя не забуду.
- 31.** Прилепихся свидением Твоим, Господи, не посрами мене.
- 32.** Путь заповедей Твоих текох, егда расширил еси сердце мое.
- 33.** Законоположи мне, Господи, путь оправданий Твоих, и взыщу и выну.
- 34.** Вразуми мя, и испытаю закон Твой, и сохраню и всем сердцем моим.
- 35.** Настави мя на стезю заповедей Твоих, яко тую восхотех.
- 36.** Приклони сердце мое во свидения Твоя, а не в лихоимство.
- 37.** Отврати очи мои, еже не видети суеты, в пути Твоем живи мя.
- 38.** Постави рабу Твоему слово Твое в страх Твой.
- 39.** От'ими поношение мое, еже непщевах: яко судьбы Твоя благи.
- 40.** Се возжелах заповеди Твоя, в правде Твоей живи мя.
- 41.** И да приидет на мя милость Твоя, Господи, спасение Твое по словеси Твоему.
- 42.** И отвечаю поношающим ми слово: яко уповах на словеса Твоя.
- 43.** И не от'ими от уст моих словесе истинна до зела, яко на судьбы Твоя уповах.
- 44.** И сохраню закон Твой выну, в век и в век века.
- 45.** И хождах в широте, яко заповеди Твоя взысках.
- 46.** И глаголах о свидениях Твоих пред цари, и не стыдяхся.
- 47.** И поучахся в заповедех Твоих, яже возлюбих зело.
- 48.** И воздвигох руке мои к заповедем Твоим, яже возлюбих, и глумляхся во оправданиях Твоих.
- 49.** Помяни словеса Твоя рабу Твоему, ихже упование дал ми еси.
- 50.** То мя утеши во смирении моем, яко слово Твое живи мя.
- 51.** Гордии законопреступоваху до зела: от закона же Твоего не уклонихся.
- 52.** Помянух судьбы Твоя от века, Господи, и утешихся.
- 53.** Печаль прият мя от грешник, оставляющих закон Твой.
- 54.** Пета бяху мне оправдания Твоя, на месте пришельствия моего.
- 55.** Помянух в нощи имя Твое, Господи, и сохраних закон Твой.
- 56.** Сей бысть мне, яко оправданий Твоих взысках.
- 57.** Часть моя еси Господи, рех сохранити закон Твой.

- 58.** Помолѣхся лицу́ Твоему́ всемъ сѣрдцемъ моимъ, помилуй мя по словесѣ Твоему́.
- 59.** Помыслихъ пути Твоя, и возвратихъ нозе мои во свидѣния Твоя.
- 60.** Уготовихся и не смутихся сохранити заповеди Твоя.
- 61.** Ужя грешникъ обязашася мне, и закона Твоего не забуду.
- 62.** Полунощи востахъ, исповедатися Тебе о судьбахъ правды Твоея.
- 63.** Причастникъ азъ есмь всемъ боящимся Тебе, и хранящимъ заповеди Твоя.
- 64.** Милости Твоея Господи исполни земля, оправданиемъ Твоимъ научи мя.
- 65.** Благость сотворилъ еси съ рабомъ Твоимъ, Господи, по словеси Твоему.
- 66.** Благости и наказанію, и разуму научи мя, яко заповедемъ Твоимъ веровахъ.
- 67.** Прежде даже не смирити ми ся, азъ прегрѣшихъ, сего ради слово Твое сохранихъ.
- 68.** Благъ еси Ты, Господи, и благостию Твоею научи мя оправданиемъ Твоимъ.
- 69.** Умножися на мя неправда гордыхъ, азъ же всемъ сѣрдцемъ моимъ испытаю заповеди Твоя.
- 70.** Усырися яко млеко сѣрдце ихъ, азъ же закону Твоему поучихся.
- 71.** Благо мне, яко смирилъ мя еси, яко да научуся оправданиемъ Твоимъ.
- 72.** Благъ мне законъ уст Твоихъ, паче тысящъ злата и сребра.
- 73.** Руце Твои сотвористе мя, и создасте мя; вразуми мя, и научуся заповедемъ Твоимъ.
- 74.** Боящися Тебе узрятъ мя, и возвеселятся, яко на словеса Твоя уповахъ.
- 75.** Разумехъ Господи, яко правда судьбы Твоя, и воистинну смирилъ мя еси.
- 76.** Буди же милость Твоя, да утѣшитъ мя по словеси Твоему рабу Твоему.
- 77.** Да приидутъ мне щедроты Твоя, и живъ буду, яко законъ Твой поучение мое есть.
- 78.** Да постыдятся гордіи, яко неправедно беззаконноваша на мя, азъ же поглумлюся въ заповѣдехъ Твоихъ.
- 79.** Да обратятъ мя боящися Тебе, и ведящии свидѣния Твоя.

- 80.**Буди сердце мое непорочно во оправданиях Твоих, яко да не постыжуся.
- 81.**Исчезает во спасение Твое душа моя, на словеса Твоя уповах.
- 82.**Исчезоша очи мои в слово Твое, глаголюще: когда утетиши мя?
- 83.**Зане бых яко мех на слане, оправданий Твоих не забых.
- 84.**Колико есть дней раба Твоего, когда сотвориши ми от гонящих мя суд?
- 85.**Поведаша мне законопреступницы глумления, но не яко закон Твой, Господи.
- 86.**Вся заповеди Твоя истина, неправедно погнаша мя, помози ми.
- 87.**Вмале не скончаша мене на земли: аз же не оставих заповедей Твоих.
- 88.**По милости Твоей живи мя, и сохраню свидения уст Твоих.
- 89.**Во век, Господи, слово Твое пребывает на небеси.
- 90.**В род и род истина Твоя, основал еси землю, и пребывает.
- 91.**Учинением Твоим пребывает день, яко всяческая работна Тебе.
- 92.**Лик: Яко аще бы не закон Твой поучение мое был, тогда убо погибл бых во смирении моем. **Благословен еси, Господи:**
- 93.**Лик: Во век не забуду оправданий Твоих, яко в них оживил мя еси. **Благословен еси, Господи:**

**Затем произносится малая заупокойная ектения (по обычаю, с кадилом):** «Паки и паки...», **певцы:** «Господи, помилуй» (единожды); «Ещё молимся о упокоении душ усопших рабов Божиих праотец, отец, и братьев наших, где лежащих, и повсюду православных христиан, и о еже проститися им всякому прегрешению вольному же и невольному», **певцы:** «Господи, помилуй» (единожды); «Яко да Господь Бог учинит души их...», **певцы:** «Господи, помилуй» (единожды); «Милости Божия...», **певцы:** «Поддай, Господи». «Господу помолимся», **певцы тихо:** «Господи, помилуй» (40). **Иерей тайно читает молитву:** «Боже духов и всякия плоти...». **Возглас:** «Яко Ты еси Воскресение...». **Певцы:** «Аминь».

**По возгласе:** «Яко Ты еси Воскресение...» **правый лик** начинает петь **вторую статью:** «Твой есмь аз...». **Иерей с диаконом (или диакон)** совершают, по традиции, **малое каждение (тетрапод окрест, иконостас, лики, народ, местные иконы иконостаса, тетрапод спереди, то есть с западной стороны).**

92

С.  
А.

Я-ко аще бы не закон Твой поучени-е мо-е был, тог-да у-бо по-

Т.  
Б.

гилб бых во сми-ре - ни-и мо-ем. Бла-го-сло-вен е-си,

Трижды. 93

Гос - по-ди. Во век не за-бу-ду о-прав-да - ний Тво-их,

я - ко в них о - жи-вил мя е - си. Бла-го-сло-вен е - си,

Трижды. 1

Малая заупокойная ектеня

2

Гос - по-ди. Гос - по-ди по-ми - луй. Гос-по-ди по-ми-луй.

3

4

Гос-по-ди по-ми-луй. По-дай Гос-по-ди. Гос-по-ди по-ми-луй.

## Статья II

94

Твой есмь аз, спа-си мя, я-ко о-прав-да-ний Тво-их взы-сках. Спа -

95

се, спа-си мя. Ме-не жда-ша греш-ни-цы по-гу - би - ти мя,

Припев II (после каждого стиха):

сви-де-ни-я Тво-я ра-зу-мех. Спа - се, спа-си мя.

94. **Лик:** Твой есмь аз, спаси мя, яко оправданий Твоих взысках. Спасе, спаси мя.
95. **Лик:** Мене ждаша грешницы погубити мя, свидения Твоя разумех. Спасе, спаси мя. **(После каждого стиха).**
96. Всякия кончины видех конец, широка заповедь Твоя зело.
97. Коль возлюбих закон Твой, Господи, весь день поучение мое есть.
98. Паче враг моих умудрил мя еси заповедию Твоею, яко в век моя есть.
99. Паче всех учащих мя разумех, яко свидения Твоя поучение мое есть.
100. Паче старец разумех, яко заповеди Твоя взысках.
101. От всякаго пути лукава возбраних ногам моим, яко да сохраню словеса Твоя.
102. От судьб Твоих не уклонихся, яко Ты законоположил ми еси.
103. Коль сладка гортани моему словеса Твоя, паче меда устом моим. Твой есмь аз, спаси мя.
104. От заповедей Твоих разумех, сего ради возненавидех всяк путь неправды.

- 105.** Светильник ногáма мойáа закóн Твой, и свет стезя́м мойм.
- 106.** Кляхся, и поста́вих сохра́нити судьбы́ правды Твоея́.
- 107.** Смири́хся до зела́, Го́споди, живи́ мя по словеси́ Твоему́.
- 108.** Во́льная уст моих благоволи́ же, Го́споди, и судьба́м Твоим научи́ мя.
- 109.** Душа́ моя в руку́ Твоею́ вы́ну, и зако́на Твоего́ не забы́х.
- 110.** Положи́ша грѣшницы сеть мне, и от за́поведей Твои́х не заблуди́х.
- 111.** Наслѣдовах свидѣния Твоя́ во век, я́ко ра́дование се́рдца моего́ суть.
- 112.** Приклони́х се́рдце моё сотвори́ти оправда́ния Твоя́ в век за воздая́ние.
- 113.** Законопресту́пныя возненави́дех, закóн же Твой возлюбих.
- 114.** Помо́щник мой и Засту́пник мой еси Ты, на словеса́ Твоя́ упова́х.
- 115.** Уклоните́ся от Мене́ лука́внующии, и испыта́ю за́поведи Бо́га моего́.
- 116.** Заступи́ мя по словеси́ Твоему́, и жив бу́ду, и не посрами́ мене́ от ча́яния моего́.
- 117.** Помози́ ми, и спасу́ся, и поучу́ся во оправда́ниях Твои́х вы́ну.
- 118.** Уничжи́л еси́ вся отступа́ющия от оправда́ний Твои́х, я́ко непра́ведно помышле́ние их.
- 119.** Преступа́ющия непщева́х вся грѣшныя земли, сего ради возлюбих свидѣния Твоя́.
- 120.** Пригвозди́ страху Твоему́ плóти моя́, от суде́б бо Твои́х убоя́хся.
- 121.** Сотвори́х суд и правду, не преда́ждь мене́ оби́дящим мя.
- 122.** Восприими́ раба́ Твоего́ во блага́, да не оклеветают мене́ го́рдии.
- 123.** Очи мои исчезо́сте во спасѣ́ние Твое́, и в сло́во правды Твоея́.
- 124.** Сотвори́ с рабо́м Твои́м по ми́лости Твое́й, и оправда́нием Твои́м научи́ мя.
- 125.** Раб Твой есмь аз, вразуми́ мя, и увем свидѣния Твоя́.
- 126.** Вре́мя сотвори́ти Го́сподеви, разори́ша закóн Твой.
- 127.** Сего ради возлюбих за́поведи Твоя́ паче злата́ и топа́зия.
- 128.** Сего ра́ди ко всем за́поведем Твои́м направля́хся, всяк путь непра́вды возненави́дех.
- 129.** Дивна́ свидѣния Твоя́, сего́ ра́ди испыта́ я душа́ моя́.
- 130.** Явление́ словес Твоих просвещает, и вразумляет младенцы.

**131.** Уста моя отверзох, и привлекох дух, яко заповедей Твоих желях.

**132.** Призри на мя и помилуй мя, по суду любящих имя Твое.  
**Лик:** Во Царствии Твоем, Господи, помяни раба Твоего (или, рабу Твою).

C.  
A.  
T.  
B.

Во Царствии Твоем, Господи, по-мя-ни ра - ба Тво-е - го

**133.** Стопы моя направи по словеси Твоему, и да не обладает мною всякое беззаконие. **Лик:** Во Царствии Твоем, Господи, помяни раба Твоего (После каждого стиха).

**134.** Избави мя от клеветы человеческия, и сохраню заповеди Твоя.

**135.** Лице Твое просвети на раба Твоего, и научи мя оправданием Твоим.

**136.** Исходища водная изведосте очи мои, понеже не сохраних закона Твоего.

**137.** Праведен еси, Господи, и прави суди Твои.

**138.** Заповедал еси правду свидения Твоя, и истину зело.

**139.** Истаяла мя есть ревность Твоя, яко забыша словеса Твоя врази мои.

**140.** Разжжено слово Твое зело, и раб Твой возлюбил е.

**141.** Юнейший аз есмь и уничижен, оправданий Твоих не забых.

**142.** Правда Твоя правда во век, и закон Твой истина.

**143.** Скорби и нужды обретоша мя, заповеди Твоя поучение мое.

**144.** Правда свидения Твоя во век, вразуми мя, и жив буду.

**145.** Воззвах всем сердцем моим, услыши мя, Господи, оправдания Твоя взыщу.

**146.** Воззвах Ти, спаси мя, и сохраню свидения Твоя.

**147.** Предварих в безгодии и воззвах, на словеса Твоя уповах.

**148.** Предваристе очи мои ко утру, поучитися словесем Твоим.

**149.** Глас мой услыши, Господи, по милости Твоей, по судьбе Твоей живи мя.

**150.** Приблужишася гонящии мя беззаконием, от закона же Твоего удалишася.

**151.** Близ еси Ты, Господи, и вси путие Твои истина.

**152.** Исперва познах от свидений Твоих, яко во век основал я еси.



- 153.** Виждь смирение мое, и изми мя, яко закона Твоего не забых.
- 154.** Суди суд мой, и избави мя, словесе ради Твоего живи мя.
- 155.** Далече от грешник спасение, яко оправданий Твоих не взыскаша.
- 156.** Щедроты Твоя многи, Господи, по судьбе Твоей живи мя.
- 157.** Мнози изгоняющи мя, и стужающи ми, от свидений Твоих не уклонихся.
- 158.** Видех неразумевающыя, и истаях, яко словес Твоих не сохраниша.
- 159.** Виждь, яко заповеди Твоя возлюбих, Господи, по милости Твоей живи мя.
- 160.** Начало словес Твоих истина, и во век вся судьбы правды Твоея.
- 161.** Князи погнаша мя туне, и от словес Твоих убояся сердце мое.
- 162.** Возрадуяся аз о словесех Твоих, яко обретаяй корысть многу.
- 163.** Неправду возненавидех и омерзих, закон же Твой возлюбих.
- 164.** Седмерицею днем хвалих Тя о судьбах правды Твоея.
- 165.** Мир мног любящим закон Твой, и несть им соблазна.
- 166.** Чаях спасения Твоего, Господи, и заповеди Твоя возлюбих.
- 167.** Сохрани душа моя свидения Твоя и возлюбь я зело.
- 168.** Сохраних заповеди Твоя и свидения Твоя, яко вси путие мои пред Тобою, Господи.
- 169.** Да приблизится моление мое пред Тя, Господи, по словеси Твоему вразуми мя.
- 170.** Да внидет прошение мое пред Тя, Господи, по словеси Твоему избави мя.
- 171.** Отрыгнут устне мои пение, егда научиши мя оправданием Твоим.
- 172.** Провещает язык мой словеса Твоя, яко вся заповеди Твоя правда.
- 173.** Да будет рука Твоя, еже спасти мя, яко заповеди Твоя изволих.
- 174.** Возжелалх спасение Твое, Господи, и закон Твой поучение мое есть.
- 175.** Лик: Жива будет душа моя, и восхвалит Тя, и судьбы Твоя помогут мне.
- 176.** Лик: Заблудих, яко овча погибшее, взыщи раба Твоего, яко заповедей Твоих не забых.

## Окончание Статьи II

175

Т. I  
Т. II

Жи-ва бу-дет ду-ша мо-я, и вос-хва - лит Тя, и судь-бы

Бар.  
Б.

Тво-я по-мо - гут мне. Во Царствии Твоем, Господи, по-мя-ни

176

ра - ба Тво-е - го За-блудих, яко овца погибшее, взы-щи ра -

ба Тво - е - го, я - ко за - по - ве - дей Тво - их не за-бых.

Во Царствии Твоем, Господи, по-мя-ни ра - ба Тво-е - го

## Окончание Статии II

175

С.  
А.

Жи-ва бу-дет ду-ша мо-я, и вос-хва - лит Тя, и судь-бы

Т.  
Б.

Тво-я по-мо - гут мне. Во Царствии Твоем, Господи, по-мя-ни

176

ра - ба Тво-е - го За - блудих, яко овча погибшее, взы - щи ра -

ба Тво - е - го, я - ко за - по - ве - дей Тво - их не за-бых.

Во Царствии Твоем, Господи, по-мя-ни ра - ба Тво-е - го

**И абие:**

**Благословен еси Гóсподи,/ научи мя оправдáнием Твоím.**

**Святых лик обрете источник жизни, и дверь райскую,/ да обрящу и аз путь покаянием;/ погибшее овча аз ёсмь,/ воззови мя, Спасе, и спаси́ мя.**

**Благословен еси Гóсподи,/ научи мя оправдáнием Твоím.**

**Агнца Божия проповедавшие,/ и заклáни бывше якоже áгнцы,/ и к жизни нестареемей святíи,/ и присносущней престáвльшеся,/ Того прилежно мученицы молíte,/ долгов разрешение нам даровати.**

**Благословен еси Гóсподи,/ научи мя оправдáнием Твоím.**

**В путь узкий хождшии прискорбный,/ вси в житии крест яко ярем взявшии,/ и Мне последовавшии верою,/ приидíte насладíteся,/ ихже уготовах вам пóчестей, // и венцов небесных.**

**Благословен еси Гóсподи,/ научи мя оправдáнием Твоím.**

**Образ есмь неизреченныя Твоя славы,/ аще и язвы ношу прегрешений,/ ущедри Твое создание, Владыко,/ и очисти Твоим благоутробием,/ и возжеленное отечество подаждь ми,/ рая паки жителя мя сотворяя.**

**Благословен еси Гóсподи,/ научи мя оправдáнием Твоím.**

**Древле убо от не сущих Создавый мя,/ и образом Твоим Божественным почтýй,/ преступлением же заповеди,/ паки мя Возвративый в землю, от неяже взят бых,/ на еже по подобию возведи,/ древнею добротою возобразитися.**

**Благословен еси Гóсподи,/ научи мя оправдáнием Твоím.**

**Упокой, Боже, раба Твоего,/ и учини его в раи,/ идеже лица святых, Гóсподи,/ и праведницы сияют яко светила,/ усопшаго раба Твоего упокой, // презирая его вся согрешения.**

**Слава: Трисиятельное Единого Божества благочестно поем, вопиюще:/ свят еси, Отче Безначальный,/ Собезначальный Сыне, и Божественный Душе,/ просвети нас, верою Тебе служащих, // и вечнаго огня исхити.**

**И ныне:** Радуйся, Чистая, Бога плотию рождающая во спасение всех,/ Еюже род человеческий обрете спасение,/ Тобою да обрящем рай,// Богородице Чистая, Благословенная. Аллилуиа, трижды.

**И ектенія такожде от диакона:**

**и молитва якоже выше речеся от священника.**

**И по возгласе, тропарь, глас 5:**

**Покой Спа́се на́ш,/ с праведными раба́ Твоего́,/ и сего́ всели во дворы́ Твоя́,/ якоже есть пи́сано,/ презирая яко Благ прегрешения егó,/ вольная и невольная,// и вся яже в ведении и не в ведении, Человеколю́бче.**

**Слава, и ныне, Богородичен: От Девы возсиявый миру, Христе Бо́же,// сыны света Тою показавый, помилуй нас.**

**По Богородичне же читается псалом 50: Помилуй мя, Боже:**

**Каноны: храма со ирмосом на 6 (ирмосы по дважды) и Триоди на 8.**

**Катавасия Триоди: «Песнь возслém...».**

**Поется 2-я песнь канона, на 8 (ирмос дважды, тропари на 6, припев к тропарям: «Упокой, Господи, души усопших раб Твоих», к последним тропарям – «Слава» и «И ныне»). В конце этой песни катавасия – тот же ирмос.**

**По 3-й песни – малая ектенія (обычная, не заупокойная). Седален Триоди, глас 5-й. «Слава» – тот же седален, «И ныне» – Богородичен Триоди, глас тот же.**

**По 6-й песни – малая заупокойная ектенія (см. по 1-й статье 17-й кафизмы). Кондак, глас 8-й: «Со святыми упокой...», и икос, глас тот же.**

**Примечание. По традиции, во время пения катавасии 6-й песни, через северные и южные (или через царские) врата священник с диаконом выходят к тетраподу. У тетрапода произносится малая заупокойная ектенія (по обычаю, с кадилом). Во время пения кондака «Со святыми упокой...» иерей с диаконом (или диакон) совершают малое каждение (около тетрапода, иконостас и предстоящих). После пения кондака и икоса священник с диаконом возвращаются в алтарь.**

**На 9-й песни поем «Честнейшую».**

**По 9-й песни поется «Достойно есть». Малая ектенія (обычная, не заупокойная). Ексапостиларий Триоди: «Па́мять совершающе...». «Слава, и ныне» – Богородичен Триоди: «Сла́досте Ангелов...».**

## Ирмосы, глас 8:

**Ирмос 1:** Крест начертáв, Моисей/ впрямó жезлом Чермнóе пресечé,/ Изра́илю пешеходя́щу;/ то́же обрат-но фараоновым колесни́цам,/ уда́рив, совокупí,/ вопре-ки написав непобедимое ору́жие.// Тем Христу поим, Бо-гу нашему, я́ко просла́вился.

**Катавасия Триоди, глас 8:** Песнь возслém лю́дие/ чүдному Бóгу нáшему,/ свободívшему Изра́иля от ра-бóты,/ песнь побéдную пою́ще и вопио́уще:// пойм Тебé еди́ному Влады́це.

### Песнь 2:

#### Канóн Триóди, глас 8:

**Ирмос:** Вídите вídите,/ я́ко Аз есмь Бог ваш,/ прéжде век рождéнный от Отцá,/ и от Дéвы в послéдня без мýжа зачénшийся// и разрушívый грех праотца Ада́ма, я́ко Человеколю́бец.

**Катавасия тойже.**

### Песнь 3:

**Ирмос 3:** Жезл во образ та́йны приéмлется,/ прозябени-ем бо предразсужда́ет священника;/ неплодящей же прéжде Цérкви/ ныне процвете Дрéво Крестá// в дер-жа́ву и утверждéние.

**Катавасия Триоди, глас 8:** Утверждéй руко́ю Твоёю, Сло́ве Бóжий небеса́,/ просвещéнием Твоегó и́стиннаго познáния,// утверди́ и нас на Тя надéющихся сердца́.

**Ектения малая:**

#### Седáлен Триóди, глас 5,

**Подóбен:** «Собезначáльное Сло́во...»:

**Чтец:** Нас ра́ди претерпéвый Крест и смерть,/ и умерт-вívый ад, и совоскресívый мёртвыя,/ престáвльшиися от нас Спа́се, упоко́й, я́ко Человеколю́бец Бог,/ и в трéпетное и стра́шное пришéствие Твоé Жизнода́вче,/ я́ко имéяй мнóжество мило́сти,// Цáрствия Твоегó спо-

дóби.

**Сла́ва: Тот же седа́лен:**

**И ны́не: Богоро́дичен, глас 5:**

**Ско́рый Твой покрóв, и по́мощь и ми́лость покажи́ на рабéх Твои́х, / и во́лны Чи́стая, укроти́ сýетных помышлéний, / и па́дшую ду́шу мою́ возста́ви Богоро́дице:// вем бо, вем Де́во, я́ко мо́жеши, ели́ка и хо́щеш.**

**Песнь 4:**

**Ирмос 4:** Услы́шах, Го́споди, / смотре́ния Твоего та́инство, / разумéх дела́ Тво́я // и просла́вих Твоé Боже́ство.

**Катавасия Триоди, глас 8:** Из горы́ приосене́нная Сло́ве, проро́к, / еди́ная Богоро́дицы, / хо́тяще воплоти́тся, богови́дно усмотри́, // и со стра́хом славосло́вляше си́лу Твою́.

**Песнь 5:**

**Ирмос 5:** О треблаже́нное Дре́во, / на немже распя́ся Христо́с, Ца́рь и Госпо́дь! / Имже паде дре́вом прельсти́вый, / тобою́ прельсти́вся, / Богу пригвозди́вшуся плóтию, // подающе́му ми́р душам на́шим.

**Катавасия Триоди, глас 8:** Утренюет дух мой к Тебе́ Бо́же, / занé свет повелéния прише́ствия Твоего́: / и́миже у́бо озари́ ум наш Влады́ко, // и наста́ви на стезю́ жи́зни.

**Песнь 6:**

**Ирмос 6:** Воднаго зверя во́ утробе́ / длани Иона кресто́видно распросте́р, / спасительную Страсть прообража́ше я́ве. / Тем, тридне́вен изше́д, / премирное Воскресе́ние прописа́ше / Плотию пригвожденнаго Христа́ Бо́га // и тридневным Воскресением ми́р просвеща́го.

**Катавасия Триоди, глас 8:** Содержима́ мя приими́ Человеколю́бче, грехи́ мно́гими / и припа́дающа щедро́там Твои́м, // я́ко проро́ка Го́споди, и спаси́ мя.

**Ектения малая заупокойная:**

## Кондак Триоди, глас 8:

**Со** святыми упокой/ Христе, души раб Твоих,/ идеже несть болезнь, ни печаль,/ ни воздыхание, // но жизнь безконечная.

### Икос:

**С**ам един еси безсмертный,/ сотворивый и создавый человека:/ земнии убо от земли создахомся,/ и в землю туюжде пойдём,/ якоже повелел еси,/ создавый мя и рекый ми:/ яко земля еси, и в землю отыдеси:/ аможе вси человецы пойдём,/ надгробное рыдание, творяще песнь:// Аллилуия, аллилуия, аллилуия.

### Песнь 7:

**Ирмос 7:** Безумное веление/ мучителя злочестиваго люди поколеба,/ дышущее прещение и злохуление богомерзкое,/ обаче три отроки не устраши ярость зверская,/ ни огонь снаяй,/ но противодышущу росноному Духу,/ со огнем суще, пояху:// препетый отцев и нас Боже, благословен еси.

**Катавасия Триоди, глас 8:** В начале землю основавый,/ и небеса Словоу утвердивый,/ благословен еси во веки, // Господи Боже Отец наших.

### Песнь 8:

**Ирмос 8:** Благословите, отроцы,/ Троицы равночисленнии,/ Содетеля Отца Бога,/ пойте снизшедшее Слово/ и огонь в росу претворшее/ и превозносите всем жизнь подающего // Духа Всесвятого во веки.

**Хвалим, благословим, поклоняемся** Господеви, поюще и превозносяще во вся веки.

**Катавасия Триоди, глас 8:** На горе святей прославльшася,/ и в купине огнем Приснодевы Моисеови тайну явльшаго, // Господа пойте и превозносите во вся веки.

**Диакон:** Богородицу и Матерь Света в песнях возве-



ли́чим.

### Песнь Пресвято́й Богоро́дицы:

**Вели́чит** душа́ Мойя́ Го́спода, / и возра́довася дух Мой о Бо́зе Спа́се Моём.

**Честне́йшую** Херув́им / и Сла́внейшую без сравне́ния Се-рафа́им, / без ислéния Бо́га Сло́ва ро́ждшую, / су́щую Бо-городи́цу, Тя велича́ем.

**Яко** призре́ на смире́ние рабы́ Своея́, / се бо от ны́не уб-лажа́т Мя вси ро́ди. **Честне́йшую...**

**Яко** сотвори́ Мне вели́чие Си́льный, / и свя́то Имя Его́, и ми́лость Его́ в ро́ды родо́в боя́щимся Его́. **Честне́йшую...**

**Сотвори́** держа́ву мы́шцею Свое́ю, / расточи́ го́рдых мы́слию се́рдца их. **Честне́йшую...**

**Низложи́** си́льные со престо́л, и вознесе́ смире́нные; / а́лчущия испо́лни благ, и богаты́яся отпусти́ тщи. **Че-стне́йшую...**

**Восприя́т** Изра́иля о́трока Своего́, помяну́ти ми́лости, / я́коже глаго́ла ко отце́м на́шим, Авра́amu и се́мени его́, да́же до ве́ка. **Честне́йшую...**

### Песнь 9:

**Ирмос 9:** Та́ин еси, Богоро́дице, ра́й, / невозделанно воз-расти́вший Христа́, / Имже крестное живоносное на зем-ли насади́ся Дре́во. / Тем, ны́не возно́симу, // покланяю-щеся Ему, Тя велича́ем.

**Катавасия Трио́ди 9, глас 8:** Проявле́нное на горе́ зако-нополо́жнику во огни́ и купине́ / Рожде́ство́ Присно-де́вы, / в на́ше ве́рных спасе́ние, // пе́снями немо́лчными велича́ем.

### Досто́йно есть:

**Досто́йно** есть я́ко вои́стинну / блажи́ти Тя, Богоро́дицу, / Присноблаже́нную и Пренепоро́чную / и Ма́терь Бо́га на́шего. / **Честне́йшую** Херув́им / и сла́внейшую без срав-не́ния Серафа́им, / без ислéния Бо́га Сло́ва ро́ждшую, //

сущую Богородицу, Тя величаем.

**Ектенія малая:**

**Хвалитны псалмы, глас 8:**

**В**сякое дыханіе да хвалит Господа./ Хвалите Господа с небес,/ хвалите Его в вышних.// Тебе подобает песнь Богу.

**Х**валите Его вси ангели Его,/ хвалите Его вся силы Его.// Тебе подобает песнь Богу.

**Псалом 148:**

**Чтец:** Хвалите Его, солнце и луна, хвалите Его, вся звёзды и свет. Хвалите Его Небеса небес и вода, яже превыше небес. Да восхвалят имя Господне: яко Той рече, и быша, Той повеле, и создашася. Постави я в век и в век века, повеление положи, и не мимо идет. Хвалите Господа от земли, змиеве и вся бездны: огонь, град, снег, голоть, дух бурен, творящая слово Его, горы и вси холми, древа плодоносна и вси кедри, зверие и вси скоти, гади и птицы пернаты. Царие земсти и вси людие, князи и вси судии земсти, юноши и девы, старцы с юнотами да восхвалят имя Господне, яко вознесся имя Того Единого, исповедание Его на земли и на небеси. И вознесет рог людей Своих, песнь всем преподобным Его, сыновом Израилевым, людем, приближающимся Ему.

**Псалом 149:**

**В**оспойте Господеву песнь нову, хваление Его в церкви преподобных. Да возвеселится Израиль о Сотворшем его, и сынове Сиони возрадуются о Царе своем. Да восхвалят имя Его в лице, в тимпане и псалтири да поют Ему. Яко благоволит Господь в людех Своих, и вознесет краткия во спасение. Восхвалятся преподобнии во славе и возрадуются на ложах своих. Возношения Божия в гортани их, и мечи обоюду остры в руках их: сотворити отмщение во языцех, обличения в людех, связати царі

их пúты, и сла́вныя их ручны́ми оковы́ железны́ми.

**Сотвори́ти в них суд напи́сан./ Сла́ва сия́ бу́дет всем преподо́бным Егó.**

### **Псалом 150:**

**Хвали́те Бо́га во святы́х Егó,/ хвали́те Егó во утверже́нии си́лы Егó.**

### **Стихи́ры Трио́ди, глас 6, Подóбен: «Отча́янная...»:**

**1. Стих: Хвали́те Егó на си́лах Егó,/ хвали́те Егó по мно́жеству вели́чества Егó.**

**Стра́шный коне́ц сме́рти,/ и гро́зный суд Влады́ки:/ огонь бо неугаси́мый угото́вися та́мо:/ червь неусыпа́емый му́чай, и скре́жет зубо́в,/ тьма кромешная́ есть, и ве́чное осужде́ние./ Те́мже зове́м ко Спа́су:/ я́же избра́л еси́ от привре́менных, упоко́й, // за ве́лию Твою́ ми́лость.**

**2. Стих: Хвали́те Егó во гла́се тру́бнем,/ хвали́те Егó во псалти́ри и гу́слех.**

**Вси в жити́и оста́вльшиися,/ прииди́те, во гробéх ужа́сающе́ся прини́кните,/ и ви́дите ми́ра преле́сть:/ где ны́не те́ла добро́та, и сла́ва бога́тства;/ где же го́рдость жити́я;/ вои́стинну су́етная́ вся./ Те́мже зове́м ко Спа́су:/ я́же избра́л еси́ от привре́менных, упоко́й, // за ве́лию Твою́ ми́лость.**

**3. Стих: Хвали́те Егó в тимпа́не и ли́це,/ хвали́те Егó во стру́нах и орга́не.**

**Ны́не во гроб, и́же на престо́ле,/ ны́не и́же в порфи́ре, во тлю́ облече́ся:/ не ктому́ бо на престо́ле, но во грóбе ле́жит./ Се исче́зэ ца́рская держа́ва,/ се я́ко со́ние чело́веческое́ прехо́дит жити́е./ Те́мже зове́м ко Спа́су:/ я́же избра́л еси́, упоко́й, // за ве́лию Твою́ ми́лость.**

**4. Стих: Хвали́те Егó в кимва́лех доброгласных, хвали́те Егó в кимва́лех восклицáния./ Вся́кое дыха́ние да хва́лит Го́спода.**

**В**ся отселе преложившиися в надежде жизни вечныя,/ и житиё изменившия всяким Спасе образом,/ всякий чин и род, и всякий возраст,/ мужи вкупе и жены и новорождённые младенцы,/ яко Человеколюбец в недрах учини Авраамлих,/ и в местех ослабы,// за велию Твою милость.

«Слава» – **глас 2**

**Я**ко цвет увядает, и яко сень мимо грядёт,/ и разрушается всякий человек./ Паки же гласящей трубе,/ мёртвии вси яко в трусе востанут к Твоему сретению Христё Бóже:/ тогда Владыко, яже преставил еси от нас,/ во святых Твоих учини селениих дүхи, Владыко,// Твоих рабов присно.

«И ныне» – **Богородичен, глас 6**

**Т**ы еси Бог наш,/ иже премудростию соделавый вся,/ иже и пророки пославый нам пророчествовати Твоё пришествие,/ и апостолы, проповедати Твоя величия./ И ови убо пророчествоваху пришествие Твоё,/ ови же крещением просветиша языки./ Мученицы же пострадавшие, получиша славу от сих,/ и молятся прилежно Тебе, Владыце,/ с рождшею Тя Материю:/ упокой Бóже дүши, яже приял еси,/ и нас сподоби Царствия Твоего,/ Крест претерпевый мене ради осуждённого,// Избавителю мой и Бóже.

**Славословие вседневное:**

**Чтец:** Слава Тебе, показавшему нам свет.

**Чтец:** Слава в вышних Бóгу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя великия ради славы Твоея. Господи, Царю Небесный, Боже, Отче Вседержителю, Господи Сыне Единородный, Иисусе Христё, и Святей Дүше. Господи Бóже, Агнче Бóжий, Сыне Отечь, вземляй грех мира, помилуй нас. Вземляй грехи мира, прими молитву нашу. Седяй одесную Отца, помилуй нас. Яко Ты еси Един Свят; Ты еси Един Господь, Иисус

Христос, во славу Бога Отца, аминь.

**На** всяк день благословлю Тя и восхваляю имя Твое во веки, и в век века.

**Г**осподи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творить волю Твою, яко Ты еси Бог мой, яко у Тебе источник живота, во свете Твоем узрим свет. Пробави милость Твою ведущим Тя.

**С**подоби Господи, в день сей без греха сохраниться нам. Благословен еси, Господи, Боже отец наших, и хвально и прославлено имя Твое во веки, аминь.

**Б**уди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправдании Твоими.

**Г**осподи, милость Твоя во век, дел руку Твоею не презри: Тебе подобает хвала, Тебе подобает пение, Тебе слава подобает, Отцу, и Сыну, и Святому Духу, ныне и присно, и во веки веков, аминь.

**Ектения просительная:**

**Иерей:** Мир всем. **Хор:** И духови твоему.

**Диакон:** Главы наша Господеви приклоним. **Хор:** Тебе, Господи.

**Иерей:** Твое бо есть, еже милovati и спасти ны, Боже наш, и Тебе славу возсылаем, Отцу и Сыну и Святому Духу, ныне и присно и во веки веков. **Хор:** Аминь.

**НА СТИХОВНЕ:**

**Чтец:** Стихиры октоиха, глас 6,

**Подобен:** «Всю отложивше...»:

**И**меяй непостижное к нам благоутробие, / и источник неистощаемый Божественныя благодати, Многомилостиве, / к

Тебѣ, Владыко прешѣдшия в земли живыхъ всели,/ в селѣнияхъ возлюбленныхъ и вожделенныхъ,/ одержание даруяй выну пребывающее:/ Ты бо за всехъ пролилъ еси кровь Твою, Христѣ, // и животною ценою мир искупилъ еси.

**Стих 1:** Души ихъ во благихъ/ водворятъся.

Умерщвление претерпелъ еси животворное волею,/ и жизнь источилъ еси,/ и сладость присносущную вернымъ далъ еси,/ Божественнымъ, Владыко, благоутробиемъ,/ едине всещедре безгрешне:/ в нюже молимся,/ счини усопшия в надежди воскресения,/ разрешение прегрешений даруяй:/ да всеми поется имя Твое, Христѣ, // и спасени славимъ человеколюбие Твое.

**Стих 2:** Блажени яже избралъ,/ и приялъ еси Господи.

Живыми Господьствующа богочальною властью,/ и мертвыми владычествующа:/ Тебѣ, Христѣ, вѣдуще молим:/ верныя рабы Твоя, к Тебѣ единому Благодетелю отшедшия,/ Сам упокой со избранными Твоими, Человеколюбче,/ в мѣстехъ прохлаждения, во святыхъ свѣтлостехъ:/ волитель бо милости еси, и спасаеши яко Богъ,/ яже по образу Твоему создалъ еси, // едине Многомилостиве.

«Слава» – Триоди, глас 6:

Болѣзнь Адаму бысть дрѣва вкушениемъ дрѣвле во Едеме,/ егда змий яд излевалъ:/ тем бо вниде смерть всеродная, снѣдающая человека./ Но пришедъ Владыка низложитъ змию,/ и упокоение намъ даровалъ,/ к Нему ѹбо возопиим:/ пощади Спасе, и яже приялъ еси, // со избранными Твоими упокой.

«И ныне» – Богородичен Триоди, глас 6:

Явилася еси пребывание боголепное Пресвятая,/ и Бога вместила еси,/ и Бога родила еси неискусобрачная во двою существу,/ во единой же ипостаси, Чистая./ Того моли Единороднаго, и Первороденнаго,/ Тя, Дѣво, непорочно и по рождествѣ сохранишаго,/ души упокоити верою усопшихъ, // во свѣте нетленныхъ свѣтлости и блаженствѣ.

**Чтец:** Благо есть исповѣдаться Гóсподеви, и пѣти Имени Твоему, Вы́шний: возвещати заўтра мѣлость Твою, и истину Твою на всяку ночь.

**Трисвятѣе по Отче наш:**

**Иерей:** Яко Твое есть Цáрство и сила и слава Отца́ и Сы́на и Свята́го Дúха, ны́не и прѣсно и во вѣки веко́в.

**Хор:** Ами́нь.

**Тропа́рь, глас 8:**

**Хор:** Глубино́ю му́дрости человеколю́бно вся стрóяй,/ и полéзное всем подава́яй,/ еди́не Содéтелю, упоко́й Гóсподи, ду́ши раб Твои́х:/ на Тя бо упова́ние возло́жиша, // Творца́ и Зижди́теля и Бо́га на́шего.

«Сла́ва и ны́не» – **Богоро́дичен, глас 8:**

Тебе́ и стéну, и приста́нище ймамы,/ и моли́твенницу благоприя́тну к Бо́гу, // Егóже родила́ еси́ Богоро́дице безневе́стная, ве́рных спасéние.

**Ектений сугубая:**

**Диакон:** Премудрость. **Хор:** Благослови́. **Иерей:** Сый благословéн Христóс Бог наш, всегда́, ны́не и прѣсно и во вѣки веко́в. **Хор:** Ами́нь. **Утверди́,** Бо́же, святу́ю правосла́вную ве́ру, правосла́вных христиа́н во век ве́ка.

**Чтец:** Приидите, поклонимся Царéви нашему́ Бо́гу.

Приидите, поклонимся и припадём Христу́ Царéви нашему́ Бо́гу.

Приидите, поклонимся и припадём Самому́ Христу́, Царéви и Бо́гу нашему́.

**И читается 1-й час.**

**Конда́к, глас 8:**

Взбра́нной Воево́де победительная,/ я́ко изба́вльшеся от злы́х,/ благодарственная воспису́ем Ти́ раби́ Твои́, Бого́родице;/ но я́ко иму́щая держа́ву непобедимую,/ от вся́ких нас бе́д свободи́, да зове́м Ти́:// ра́дуйся, Невéсто Неве́стная.

## БОЖЕСТВЕННАЯ ЛИТУРГИЯ:

### Тропарь, глас 8:

**Г**лубино́ю му́дрости человеколю́бно вся стрóяй,/ и по-  
лэ́зное всем подава́яй,/ еди́не Содéтелю, упоко́й Го́споди,  
ду́ши раб Твои́х:/ на Тя бо упова́ние возложи́ша,// Творца́  
и Зижди́теля и Бо́га на́шего.

### Слава: Конда́к, глас 8:

**С**о святы́ми упоко́й/ Христé, ду́ши раб Твои́х,/ иде́же  
несть болéзнь, ни печаль,/ ни воздыхáние,// но жизнь без-  
конéчная.

### И ныне: Богородичен, глас 8:

**Т**ебé и стéну, и приста́нище íмамы,/ и моли́твенницу бла-  
гоприятну к Бо́гу,// Егóже родила́ еси́ Богоро́дице безне-  
вéстная, вéрных спасéние.

**Прокíмен заупокóйный, глас 6:** Ду́ши их во благíх водво-  
рýтся.

**Стих: К** Тебé, Господи, воздвиго́х ду́шу мою́, Бо́же мой, на  
Тя уповах, да не постыжýся во век.

**Аллилуа́рий заупокóйный, глас 4:**

**Поется** «Досто́йно есть».

**Прича́стен заупокóйный:** Блаже́ни, я́же избра́л, и прия́л  
еси́ Го́споди, и па́мять их в род и род. Аллилúя (**Три́жды.**)

### Пóсле Прича́стия:

**Иерей:** Спаси́ Бо́же лю́ди Твоя́, и благослови́ досто́яние  
Твоé.

**Вместо** «Видехом Свет Истинный...», **тропа́рь, глас 8:**

**Хор:** Глубино́ю му́дрости человеколю́бно вся стрóяй,/ и по-  
лэ́зное всем подава́яй,/ еди́не Содéтелю, упоко́й Го́споди,  
ду́ши раб Твои́х:/ на Тя бо упова́ние возло-  
жи́ша,// Творца́ и Зижди́теля и Бо́га на́шего.

**Иерей:** Всегда́, ны́не и при́сно, и во ве́ки веко́в.

**Хор:** Ами́нь. Да испо́лнятся уста́ на́ша:



# Ектения заупокойная

Музыка А.Ф.Шишкина

*p*

Т. I  
Т. II

Гос - по - ди, по - ми - - - луй,

Бар.  
Б.

Гос - по - ди, по - ми - - - луй,

Гос - по - ди, по - ми - - - луй.

# Ектения заупокойная

Музыка А.Ф.Шишкина

*p*

C.  
A.

Гос - по - ди, по - ми - луй,

T.  
B.

Гос - по - ди, по - ми - луй,

Гос - по - ди, по - ми - луй.